

## LIX. — *Lou hasan rouye*

Sou born de le lane de Cournalis, d'aus cops qu'entinén tustém un hasan canta. Un cop, qu'éren tres aulhés au pé d'ûu' borde que l'entinouren. Ce dit un :

– Se bey pa que céu é lane. I' a pa un aubre ni un oustau a mé d'un journ de 'cf, que cau bede aco...

É que s'en ba aquf decap per saya de trouba lou hasan. Mé, mé n'anéue, mé le buts dou hasan se hadé lugn...

N'ére p' aquet que lou hasan se boulé mia.

\*  
\* \*

Que disen qu'un aut cop, qu'éren un gart d'aulhés amasse, qu'entinouren lou hasan canta ; é l'un de 'quits aulhés que binout blasit, blasit, blan coum calhade.

– Adichats, omis ! ce hit. Lou hasan rouye que m'apére.

É que s'en anout decap oun lou hasan l'aperéue. Que boulout un ou dus cops s'arrebira, mé qu'aurèn dit que caucarrè lou pousséssi coum au soun desagrat. Un tros en auan, que s'arrebirét un darré cop decap aus qui aué quitat, é que biren qu'a le place dous ouelhs qu'aué coum dus flams de candele rouyes coum lou huc. É tchic a tchic qu'ou biren s'en ana é s'atchicouya su' le lane, é lou cantit dou hasan que se perdout coum un escargalh d'arride a mesure dauan et.